

生成皆見元氣受陽之形草木果林經冬不零一切濟度靡不鮮榮和與道合真

存神炁香

香官使者左右龍虎君侍香諸靈官當今臣建齋之所自然生金液丹碧芝英百靈眾具

交會在此香火爐前令臣學道得道求仙得仙齋主受福幽顯靈恩十方仙童玉女侍衛香烟傳臣向來所啓速達徑御  
太上无極大道至真玉皇上帝御前  
出堂頌

回靜默堂

謝師

回向

靈寶領教濟度金書卷之二百五十七

靈寶領教濟度金書卷之二百五十八

洞極高士開光救苦真人齊全具投  
靈寶通古弘教水南先生林豐具編

科儀立成品類用

晚朝行道儀

燒香頌

各禮師存念如法

宣衛靈呪

五星高耀 瑞炁飛浮 元始集神 天地交周  
玉符寶節 嘯命微幽 擲火揚威 圻山無留

萬魔摧伏 氛氲都消 摧怪伐惡 道炁同流  
神光照夜 陰翳俱收 萬仙降格 翕景乘馳

群仙咸遠 惠遍神州和與道合真

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言玉女五帝直符直日香官各三十二人出出者嚴裝關啓玄壇天帝君當召此間土地里城真官正神急上關啓臣今奉為八春意以今落景墜壇行道願得玉清道炁靈寶妙光下

降流入臣等身中今臣所啓速達徑御  
太上无極大道至真玉皇上帝御前

請稱法位

具位臣與臨壇官眾等謹同誠上啓

太上无極大道元始天尊上清真境靈寶天尊太清仙境道德天尊昊天至尊玉皇上帝中天北極紫微大帝太微上宮天皇大帝右土皇地祇九天生神上帝五靈五老上帝三十二天上帝上清十一曜星君南斗六司真君北斗七元真君二十八宿星君天田星君

八穀星君太玄樞機三省上相真君靈寶五師真君三元三官帝君北極四聖真君天帝諸司真君十方無極飛天神王五天三界大魔王三天門下三元真君上章詞表靈官三洞四輔經錄法科上相高真神仙將吏五嶽五帝真君五天聖帝名山洞府洞天福地靖虛治化得道仙官本派祖玄真師經籍度師真人東嶽掌籙籙籙仙官掌籙靈靈仙官田家祀典聖眾地水二司城隍杜令里域土地三界官屬一切真靈臣聞元始御清微之運

造化百昌虛皇開赤明之圖裁成庶品下流  
 黃馱而鼓動上承碧落以彌羅帝力彰施八  
 表拱神功之妙天光澄寂九圍凝梵杰之華  
 化化難窮生生莫極巨等望詳知愧入谷像  
 慚出劫心悲姑聞龍文之策還山志切徒翻  
 鳳篆之書立志度人夫心責已誓立功而補  
 過庶領教以學具凡有啟投煙宜關告况奉  
 詞旨敢不上聞

宣詞

按如詞宣備彈激切臣聞國以農為重天特  
 全耕穀之常民以食為先地利戒飢荒之憂  
 惟戾烝充盈於郊野故螟生育於田疇百  
 千成群障白日而日光黯黯萬頃作隊掩青  
 天而天色冥冥經過悉損於禾苗至止盡童  
 於林木嗷夫憔悴野老憂愁自秉作之勤勞  
 期西成之收刈經營半載備殫耕耘耒耨之  
 功收拾一時絕無兼稔釋稻之在將成凶歲  
 曷望豐年故修齋以祈天冀首愆而請命玄  
 壇建設丹陛鋪陳宣玉及之洪儀列瓊網之  
 清範金聲九奏歲旒侍龍尾之班琅韻三成

容與拱獅頭之座降霓旌於輦路飛羽葆於  
 天衢九拜陳情一忱徽福為禱玉等稜除  
 妖悉遣斥蟲填翻急雨而絕邪蹤發狂風而  
 斷怪迹嚴凝冬雪無人地餘種之留赫曠夏  
 陽有沉水餘聲之喜曰禾鬱鬱騰黍尤庶  
 晏歲以無飢俾窮年而獲飽以今晚朝行道  
 請法眾等運茲初捨上香

願此香烟騰空徑上供養  
 无上至真道寶臣等皈身皈神皈命首體投  
 地願以是功德上祝

皇帝陛下伏願德並懷養道齊躋陸御飛龍  
 而負辰四海會同執大象以臨軒萬年垂拱  
 齊北海以介眉壽並南山而衍脩齡出圖出  
 書榮景差於陽燧同文同軌托湛露於方諸  
 今故燒香自皈依

師尊大聖眾至真之德得道之後保天長存  
 和與道合真  
 以今晚朝行道請法眾等運茲二捨上香  
 願此香烟騰空徑上供養  
 无上至真經寶臣等皈身皈神皈命首體投

地願以是功德皈流內廷百司外藩燕牧伏  
 願紫微崇萬丹桂香懷侃侃政成敷宜民之  
 豈弟雍雍洽沃殫佐主之忠貞十華四極以  
 同仁八海九域而普愛分茅辟土昭維屏維  
 翰之功剖竹列疆旌于藩于垣之績今故燒  
 香自皈依

願此香烟騰空徑上供養  
 无上至真師寶臣等皈身皈神皈命首體投  
 地願以是功德歸流九州四海萬姓三軍伏  
 願千家聚落萬里封疆道不捨遠自覺太平  
 之有象耕者讓畔惟思作乂之咸寧稻畦多  
 負耒之徒麥隴富荷鋤之輩官閑刁斗馬牛  
 適牧放之歡畫絕鉦聲鶴駕免流離之苦今  
 故燒香自皈依

師尊大聖眾至真之德得道之後保天長存  
 和與道合真  
 禮方 儀方

禮方 儀方

三啓 三禮  
重稱法位

具位臣某與臨壇官眾等謹同誠上啓  
玉清聖境元始天尊上清真境靈寶天尊太  
清仙境道德天尊昊天玉皇上帝中天北極  
紫微大帝太微上官天皇大帝后土皇地祇  
九天生神上帝五靈五老上帝三十二天上  
帝上清十一曜星君南斗六司星君北斗七  
元星君二十八宿星君天田星君八穀星君  
秦玄樞機三省上相真君靈寶五師真君三  
元三官帝君北極四聖真君三天曹諸司真  
君十方無極飛天神王五天三界大魔王三  
天門下三元真君上章詞表靈官三洞四輔  
經籙法科上相高真神仙將吏五嶽五帝真  
君五天聖帝名山洞府洞天福地靖廬治化  
得道仙眾本以祖玄真經籍度師其人東嶽  
掌雷籙籙仙官掌靈籙靈仙官田家紀典聖  
衆地水二司城隍社令里域土地三界官屬  
一切真靈臣聞帝德好生惟誕敷於化雨民  
情欲富宜鼓舞於仁風林林動植以敷榮蠢

靈寶領教濟度金書卷之二五八

蠢飛潛而養育況茲兆庶躬耕尋衣食之源  
乃罹蝗螟孽稼之收斂之望祈天澈切額帝  
凌統陳官某等勤動三時服勞半載千畦將  
熟修遭蟲蝕之憂萬頃漸成忽罹蠹侵之患  
根株盡損葉葉俱摧深慮累劫循環有生輪  
轉輕慢穀米穢賤稻梁飼雞豚而不顧素捐  
貪糟糠而同思糜爛忽違經戒凌蔑秋寒惟  
知利己以妨人弗謂視人而猶己三網顛倒  
十業昏冥致里域之奏聞與社令之陳說匪  
絲織謝易致豐登是以修齋省愆燒香行道  
冀降溫綸於黃混為飛德綽於蒼穹辟斥災  
凶斷消陰戾庶乘風而盡絕更因雨以俱消  
腥岸連雲行有登場之喜春曰映雪坐看出  
塵之歎顆粒粟粟饒粥榮榮嘉拜生成之德  
允臻提獎之恩蒙印懇祈敢忘報効上願三  
辰輝煥六炁和年川后呈祥山靈薦瑞蟲魚  
自樂滂池無數畧之聲鳥獸相歡林木絕斧  
斤之影萬姓熙熙而皞皞百昌茂茂以盈盈  
黎獻和朝拱無為而治定萬物利野樂有道  
以成功晉及九幽均離五苦則上明

天尊大慈之化下副臣等皈命之誠謹啓以  
聞

舉願  
存神燒香

香官使者左右龍虎君侍香諸靈官當今臣  
建壇之後自然生金液丹碧芝英百靈眾真  
交會在此香火爐前令臣學道得道求仙得  
仙齊官受福蝗蟲滅消十方仙童玉女侍衛  
香烟傳臣向來所啓速達徑御  
太上元極大道至真玉皇上帝 御前

出堂頌

回靜照堂

謝師

回向

靈寶領教濟度金書卷之二百五十八